

優質升降機服務認可計劃
宣傳短片
(純文字版本)

機電工程署喺 2019 年推出左「優質升降機服務認可計劃」，計劃得到業界嘅支持，反應十分踴躍。獲得認可資格嘅升降機負責人會按照所得評分及所選擇參加嘅評審範疇，頒發金／銀／銅獎或優良／良好證書，以表揚他們對優化現有升降機的工作同持續提供優質升降機管理服務嘅貢獻。證書上會加上負責保養升降機嘅承辦商嘅名字，認可他們作出嘅良好服務。以下落黎兩個獲得金獎單位，無論係升降機嘅優化水平、運作記錄，以及負責人管理升降機服務嘅表現都得到好好嘅成績。

喺商業大廈類別，利園三期係其中一個獲得金獎嘅大廈。

作為坐落喺銅鑼灣核心利園區嘅甲級寫字樓，租戶同顧客對於升降機嘅質素都有好高嘅要求。希慎今次委託迅達興建升降機，採用 **PORT System**，具個性化、智能服務終端及運用遙距監測系統管理升降機，務求客戶可以更安心、舒適地乘搭到目的地。而除左迅達日常例行檢查、保養維修之外，我地亦聘請左獨立第三方顧問，幫我地定期審視升降機系統既保養。最後，今次好榮幸聯同我地升降機嘅承辦商，得到機電工程署「優質升降機服務認可計劃」金獎嘅認可。

我地支持及歡迎機電工程署「優質升降機服務認可計劃」，這計劃有助於業界提升及推廣升降機的安全水平，且對可靠度和舒適度有著深遠的影響，這些與敝司的核心價值是一致的。透過嶄新嘅遙距監測科技及預防性的保養及更新工作，我地好高興可以協助我們的客戶在這個計劃裏，通過多重評核，獲得金獎嘅認證。

我地透過參加機電署「優質升降機服務認可計劃」，為客戶提供優質嘅升降機服務，希望其他同業都一齊參加這個計劃，共同提升升降機既服務水平！

而位於紅磡嘅寶御，就係其中一幢得到金獎認證嘅住宅大廈。

作為物業管理公司，升降機嘅管理、監察同保養同樣都係我地嘅日常責任，即使好多時住戶未必睇到，但我地仍然堅持為左升降機嘅表現，定期監察同保養，下咗唔少功夫。喺參加機電工程署嘅「優質升降機服務認可計劃」之前，我地公司康業都聘請左獨立嘅專業人士，提供專業嘅意見，先至決定參加。呢個計劃正正提供左個好好嘅機會同平台，可以畀我地嘅住戶知道其實我地一向都非常重視升降機嘅管理同監察，確保業戶嘅安全。今次能夠得到金獎，對我地黎講係個非常鼓舞嘅認可。我地一直為顧客提供優質嘅升降機保養服務。我地今次好開心能夠

替寶御得到金獎，亦會再接再勵，希望將來可以幫更多住宅大廈嘅升降機喺呢個計劃得到認證，使顧客對我地嘅升降機服務有信心，亦都可以坐得安心。透過機電署「優質升降機服務認可計劃」，好成功咁帶出正面嘅訊息，令到住戶對我地所提供嘅優質升降機服務更有信心。我地會將呢個咁有意義嘅計劃推介比其他大廈，希望大家會一同參與。

希望所有物業管理公司及合資格機構積極參加計劃，計劃全年都接受報名，詳情可以瀏覽呢個網站。

*機電工程署舉辦「優質升降機服務認可計劃」，目的係表揚升降機公司優化現有升降機嘅工作，以及樓宇升降機負責人喺持續提供優質升降機管理服務的貢獻。